

桂留山房詩集

桂畱山房詩集卷五

寶山沈學淵夢塘

懷故園諸子十五首

黃河一曲一千里一片孤颿又送君
獨上黃樓惆悵地
淮南山色黯秋雲

金芝生

客山詩派清腴甚
蟛蠹浦前築小齋
料有吟箋堆一尺
疎林野屋寫秋懷

周客山啟

典盡春裘未典琴
忍寒猶自戀孤吟
詩成莫共離騷讀
杯酒難澆魂礪心

程桃船

不見風流黃叔度
傳聞雙槩渡江來
可能遲我平山約

同看梅花爛漫開

黃秋平

籍甚聲華小阮咸十年利市舊襤衫天風海月無人賞

自挂樽桑十丈颿

李厚畚

小盤谷口閉門居落葉秋風校勘餘裴迪溫經忙不了

手箋自答朝川書

石邑匡

六年前赴看花約載酒春江款竹扉苦憶旗亭重握手

燕山二月雪花飛

陸曼卿旦華

江上輕颿悵綠波銷魂詩句不堪哦料應吹罷桓伊篴

又對秋風喚柰何

袁穀廉翼

輕舟又自增鄉還湖上雙聲橐未刪寄我新詞三百首

吟魂多半在孤山

陸棻賦

飽噉槎頭縮項鱖春鐙謎語擘蠻箋平原風調應如舊
聞說題襟又續編

陸平泉錫祉

少日文章豔綺春甄宮寶氣尙沈淪青衫一領慳如許
始信貂裘十上人

嚴瘦山仁安

桃花不隔武陵津桃葉桃根一樣春想見桃花開陌上
犢車雙載比肩人

張秋涯

風流卻憶刻谿戴脫口新詩多性靈記否秋江船泊處
一枝瘦埵夕陽亭

戴滄鵬德洽

雁足傳來字數行分明幽怨託王嬙文章漫說干時技

高髻纖腰各擅場

徐寄春

一窗燈火燄猶明小立閒階北斗橫料是乍完諸弟課

要脩書札到彭城

同梅弟

蘆花二首

荒涼風色帶寒煙極目蕭蕭淺渚邊殘葉一痕青蘸水
飛花萬點白搖天早衰情緒繁霜後薄冷年華小雪前
惆悵潯陽江上路秋光無賴撲歌筵

木葉層波下洞庭菱長荇溼沒寒汀日斜江舍風初起
潮落漁舟夢未醒飛絮有人憐旖旎斷蓬無主怨飄零
可勝搖落天涯感瑟瑟秋聲不耐聽

謁鄭公墓二首

公諱恕仙居人建文間爲蕭縣令靖難兵至守
城不屈死二女殉焉邑人葬之白茅山下朗齋
夫子來令斯土葺其墓新之每歲重九偕邑人
士展墓山陬奠酒賦詩沿爲故事云

西風酌酒弔忠魂三尺荒郊古墓存殘革裹屍收義士
大荒披髮哭皇孫苦將保障持南國恨不兵符掌北門
一片白茅山下月全家青冢照黃昏

厲禁樵蘇百步賒繚垣曲折墓門遮銀瓶墮地填智井
鐵板當城惜副車再拜風前懷勁草重來霜後薦寒花

可憐野蔓抄除盡莫向荒阡又種瓜

將別蕭縣蕙生以詩贈行次韻畱別兼奉雲嶠

山門寡兄弟客愁日駢黯所幸文字侶性靈淪元湛嗜
好頗不殊麤狂亦何歎我愛王子喬風流夙未減卓哉
席老師激波貯淦淦听夕不速賓冷署疎儀範砭詩戒
芴紐敲詞摘尾犯時聞風入松或贈花移檻我曹總萍
蓬物候差蜩螿歸心越鳥枝去路黃河艦亦知離別多
終憐合并淺秋色照離筵臨歧手重摻公等請勿畱去
種南山蹠

疊韻畱別縱息齋

束縛事不律浩懷鬱以黯況爲牛馬走緇塵掩淵湛策

蹇辭京華征鴻稻梁歛傾蓋喜逢君爽若沈疴減坐我

春風柔照人秋水淦竒才馬不羈大文鴻有範茗被酪

奴嘲

君性不飲茗汁

酒巖觴政犯石交共鐫磨墨瀋滴櫺檻

以君

端州視見贈余以歛州石報之

商略注魚蟲徵事及蟹螿萍花吹易開

南颿遲巨艦

君將有吳門之行余不能待當先發矣

山城丹樹稀江岸綠

莎淺因知覲面慳莫辭執手摻何時訪淞濱把酒烹政

賺

雲嶠蕙生兩學博及傅松嶠明府

京輝

舒晴南都

閩連日餞飲賦此志謝二首

蕭蕭楊柳莫秋天心逐南枝又一年滿眼白雲迷遠舍
打頭黃葉送歸船酒撥別緒冷無色篋帶離聲吹不圓
累煞天涯新舊雨接羅倒載習池邊

官舍相聯抵望衡兩年小住覺情生譚淡文字頻攜酒
氣作英雄學論兵書劔已曾諳客味江湖猶怕滯歸程
最憐一樣旗亭曲不唱黃河唱渭城

彭城旅舍題壁

釜底藏全郡危隄一綫浮車聲喧樹杪颿影壓城樓春
雨桃花漲秋風瓠子愁鐙殘鈴柝響聽徧澤門謳

黃河船歌

水自天上來人如天上坐誰謂河廣一葦杭古人之言
不欺我彭城東指淮陰城人云水程勝陸程僂河船
泛河去此遊亦足誇平生跳上船來先脫屣俯視船艙
不見底蝦蟇墮井心茫然一寸容光射窳砦其中弁口
外膨脝黑漆黃泥嬾不洗平時慣趁江南航開掩六扇
紅紗窗或呼舴艋打雙槳四圍野色天青蒼車中新婦
忽懊惱一丈門高一尺小鑽穴聊同出竄蛇掀篷那及
開籠鳥中央放溜一舵攙驚濤直壓千層巖水高但覺
飛竹箭風利不復張蒲颿建瓴直下如有神噲咄鞢鞞
搖心魂呂梁天險鑿石根丈夫忠信涉一身颺馳電掣

日易昏鄧林縛杖夸父奔須臾明月埽煙霧早向宿遷
關口住巨浪俄看匹練澄絕流時有輕颿渡長年欲速
呼開船夜行最好冬晴天客將呵禁勢不可梁稽窳窳
姑安眠酣眠未醒東方白又向清河浦口泊計日未周
十二時計程不下六七百陋莫陋於黃河船溜莫溜於
黃河川眼前一霎頗快意事後追思轉悚朕

寄懷簡塘蜀中

載酒紅橋畫舫遲秋風拂面柳絲絲客中又作燕臺別
書到偏譚蜀道奇邊徼舊鈔司馬論江山新助少陵詩
一聲腸斷綿州曲可似蕭蕭暮雨時

周似堂招往沛縣意有未果賦此寄之

問訊江皋弊草廬天涯客思縷愁余閒雲一出原無定
舊雨相逢逐漸疎衣上十年遊子淚篋中三尺故人書
商量去住皆非策夏向征鴻怨索居

冒雨訪陸芋香

我春

萊臧芋香邀遊九峯余以他

事促歸心常怏怏別後卻寄

春江積雨煙冥濛敲篷殘點時惺忪曉來沒卻搗衣石
停舟借問鄰邨翁破囊自理阮生屐莓苔踏碎青茸茸
江邊草堂榜二陸入門笑倒聞士龍新詩一卷互相讀
急謀貰酒呼巴童鱖魚入饌手網得佐以筍韭兼春菘

百杯酒力張勁弩待句健欲摩蒼穹縱譚須極人世樂
局趣轅下羞冬烘徧遊五嶽惜未暇名山咫尺須扶筇
遠山潑墨近山翠當窗讀畫春玲瓏豈知山神暗相妒
不許凡骨窺仙蹤有如蓬萊不可到上界吹轉回颿風
名山異書與良友兼此三樂誠難逢篙工解纜又催別
前谿風雨聲隆隆貪山惜別竟夜坐檢書篷底殘燈紅

松南歸舟作

廿里江城趁好風四圍野色畫孤篷煙低谿月蘆猶白
雨久林花開不紅雲外寺鐘催晚課橋邊社酒散郵翁
篙師自笑扶殘醉春港三叉路未通

臥病

兩度客中春易盡今年春向病中過東風三月無尋處
聞說飛花一寸多

孟柔女兄

學漪

養疴綠榆閣贈此撥悶兼寄慰雲

巖吳門

榆莢隨風入綺疏春寒日日閉門居因耽小病能知藥
爲守齋期教種蔬間約鄰姑徵舊事晚呼弱弟憶忘書
寄言襖被孤舟客眠食而今已似初

題朱師竹秀才

學成

春谿放艇圖二首

原注憶浙西舊遊也

野樹參差綠未刪小橋斜日近松關應憐畫本平如掌

不補吳山補越山

柳條重繫木蘭州一路谿山憶舊遊惆悵東坡老居士
十年詩夢在黃州

和李芝圃明府

嘉祥紀事詩并序

郭六姐者邑小家女纖妍明麗而賦質幽閒幼喪父母依兄嫂居兄出行賈嫂與鄰人范某者通事祕而嫂悍女弗及知知亦弗敢言也鄰之黠者偵知范事閉門而索客女織素于廂聞而驚走嫂以范匿諸女榻諸無賴破扇攔范以去女故許字張壻亦行賈在外比歸聞前狀疑女

亦有所私遂訟之官邑侯李芝圃明府廉知其
事懲范與嫂而獎女之能以貞潔自防召壻至
官使堂上成合卺焉一時豔傳其事明府有紀
事詩四章邑人士羣屬而和之余旣以儷語作
序復綴以此詩循吏之篇列女之傳均俟使車

采錄云爾

一江春水吳淞清春風三月吳淞城銀河飛散填橋鵲
錦樹嬌嗔出谷鶯蔣侯三妹青谿曲生長小家名碧玉
處姊年年未適人小姑夜夜偕同宿十五輕盈額髮垂
鸞書宛轉繡青絲同鄉只住長千里俠少新裁短後衣

三年翻作襄陽賈雕籠鎖卻紅鸚鵡寂寂枇杷早閉門
淡淡柳絮難穿戶門前挾瑟酒家胡一笑先投玉女壺
誤將燕尾張公子錯認鴟夷范大夫涇清渭濁難相抵
無奈一家歡似娣祇道羅敷自有夫可憐柳季難爲第
鮫珠潛織泣成行從此良工獨善藏牆上亂飛驚蛺蝶
池中羞見野鴛鴦蛾眉無恙偏猜忌短蛩含沙情轉祕
甄后偏疑洛浦詞明妃誰雪周秦記人間黑白總悠悠
夫婿東方最上頭翻悔黃姑成誤聘累佗絳樹苦窮搜
風波狂撼滄浪水淡閨名在朱封紙便從山下見靡蕪
那識車中藏薏苡冬冬官鼓聽傳籤慵髻蹙眉輒泛朕

泥中欲訴愁逢怒鏡畔無心見亦憐李侯治行今祭酒
手翻墨牘踟躕久明月全銷夜暈圓青天豈染浮雲垢
姮娥原許萬人看搗盡元霜出廣寒蜂衙聲沸花初放
燕寢香濃燭未乾天緣不及人緣巧公案至今方了了
空費心琴一曲彈卻將肺石三生兆青驄款款識新郎
仙樂風吹一縣香釵拔蘭闥忝贈嫁箋分蓮幕賦催妝
滿城紅葉題將徧風流不讓栽花縣聊借西崑襞積詩
代成東海循良傳使君門第青雲高累葉吹幢擁節旄
江左舊叨傅氏譜瑯琊世佩呂虔刀鳧鳥飛來纔一載
棠陰到處畱遺愛無端朽菌傷芝生邗許僵桃將李代

豔事傳來花下譚紛紛綠女問紅男爲憐顏色空城北
急采詩歌入召南

接陳謙甫孝廉都門書感賦作答

呼僮烹鯉魚魚腹厚一尺中有故人書開緘獲瓊璧首
尾千餘言讀之永遙夕八年筮睽孤閩嶠抵重譯商略
寄書郵殷勤問估客風汛多浮沈海市遲去歸舶比來

光範門未收天人策裏言爲我傾上池見腑膈悲哉余
鮮民祥琴憂未釋鹽車咫尺角驂長途初服輓區區顯揚
事界予何所惜豈知數須臾半生付駒隙君子淡如水
名士多於鯽感君規我言動以古人責奉爲座右銘瑤

箋黏縹碧

秋平芝生過舍遂同訪李少坪孝廉

成鳳二首

羊求相約問蒿蓬小圃新鋤雨後菘簾影澹搖襟蓋碧
翳香乾拆酒泥紅草堂燭盡窺殘月野樹秋淡起晚風
回首天涯驚昨夢不妨眠鷺看征鴻

扁舟一夜未停橈路指長欄第幾橋海國寒雲將作雨
江邨野水盡通潮磨來寶劔空彈欵采罷明珠學緯蕭
快讀鐵厓新樂府幾生脩得到文妖

余與少坪近日各受文妖之名然余

不敢竊比老鐵也

自許關至毘陵舟中雜詠六首

魚鼓三搗後虹梁一綫開似聞津吏語渠又度關來
春水碧潺潺春雲一角頑推篷看暝色殘雪九龍山
沿隄晚市喧出郭東風利臥聽落篷聲知有谿橋至
篙師鳴破鉦斥堠響宵柝鐙火隔窗明先有鄰舟泊
春水散晴煙飯香不知處雙槳賣魚船蕩入前湖去
野渡豨瓜蔓沙汀長荻苗毘陵城外水多半是江潮

廣陵旅舍同潘大古泉注夜話卽送之金陵

淒涼情話一鐙殘口燥脣乾亦大難但有數弓歸下濕
豈將八口寄江干綿袍易感風塵淚葛帳誰憐雨雪寒
抵死朱封催別去灞陵亭尉是麤官

如臯阻風

廣陵艇子海陵濤日日東風滯客橈千里凍雲初釀雪
一江寒水不生潮枕邊呵硯題詩卷篷底圍爐煖酒瓢
水繪風流銷歇盡冷鴉古木正蕭條

薄遊崇川郡博劉隱南同年彪款畱學舍繼移主

王莘耕同年承訓家文酒畱連快浹旬日臨別賦

贈是詩

江城衝雨行琤瓊響屐齒官廨紅牆隅儒官肅禋祀膳
胙堆春盤款賓噬乾肺誓開北海杯先借東郭履懸樹
非周穆題門無嵇喜睽乖五六年合并二三子鮎魚未

上竿鸞鳥亦棲枳墨鏹柿葉青筆吐辛夷紫石交太平
庵木攻劑剛氏支俸裁鶴糧蹴蔬鋤鷓嘴糖蟹議門生
瘦羊署博士不盡魚飡廉仍啖肉食鄙盧前王後嘲周
北張南擬碧草鄭公鄉青楊蕭音里三日陪琴尊一肩
移襖被燿蓋呼獠奴傳餐索芄婢羽觴河朔雄銀管湘
東侈碑書僧不空句覓陳無已拜母遲范張通家識孔
李君羞與噲伍臣請自隗始同時腹尾頭不分羔雁雉
良覲漂萍根別棕繫藤藟離城馬不前傍岸船猶熾凍
雨連江皋腥風吹海市策策開桅檣乘桴我竊比回首
紫琅山雙雙蠹雲起

通州渡海至福山港雜詠四首

來時紆折千餘里此去風颿一霎過我是曾經滄海客
壯遊今又傲東坡

日長風細好揚舲目送扁舟入淼冥喚到長年篷腳轉
滿船午夢一時醒

東風吹綠上春隄指點江南一髮齊遠樹幢幢颿的的
海鷗飛去浪如梯

舵樓橫眺最高層萬丈晴霞匹練澄滄海奇觀真叫絕
夕陽西下月東升

雨阻虞山

一夜江南路明朝便到家
颿收滄海月船泊尙湖花歸
夢衝寒雨春愁壓淺沙
宿糧春欲盡百里亦天涯

無名樹歌

余家後圃有喬木一株大三合抱高及數丈每歲小滿節開花作淺紅色狀如杜鵑而小黃鬚黑斑嗅之有蜜香繁花墮地如重茵堆尺許也徧稽草木書譜及詢之樹師莫有能指其名者家人因呼爲無名樹云今年花時適潘古泉自金陵來訪因招金芝生陸曼卿芋香萊臧同集花下各爲無名樹歌

中層宅邊因樹屋亂石叢花蔟林木四圍榛莽嬾不脩
有喬有杙有樸藪歸狀崛起木丈人竦枝直上擎青雲
數里以外望如畫羽幢翠蓋垂繽紛樹能導客客訪樹
竹籬一徑蟠孤根開軒面圃首各仰咄咄喑喑齊拍掌
以帶圍之三兩人以紡度之數十丈不知手植始何年
規矩高曾敬培養旁人問我樹曷名我轉叩樹樹不謗
旣非松身柏葉樅與檜又非君遷平仲枏與檉其質似
榭但少刺其葉似梓微多稜比之青棠有其青謂之蘋
桐無其蘋本草嘗徧古未有爾雅讀熟今無徵相如上
林之賦未嘗臚其物嵇含南方之狀不能繪其形非惟

扶直幹而且綴繁花赤白辨棠杜甘酢分梨檣滿山躑
躑噴紅霞落英萬斛恆河沙花鬚撚來甘勝蜜花瓣焙
出香於椽年年小滿及芒種陰竹聲吹仲呂中七十二
候無參差二十四番迭迎迭送似逢丁卯鐵開花恰祭庚
寅棟作糞偶吟杜老覓橙詩且擬江郎檉柳頌樹乎樹
乎爾何名乎倘爲優鉢曇何妨偶一現若在蕃釐觀亦
復無兩株黃梔千畝不入貨殖傳烏桺八棱可惜田園
蕪恨無楮柳之酒爛醉座上客又無桃榔之麵飽噉山
中廚更何論冥靈五百壽南楚桑樹八百饒成都與夫
陶家之柳稱先生秦時之松封大夫樹乎樹乎爾何名

乎石號無名異人有無名指寓言亡是公廋詞夫已氏
無名之名名始傳不材之材材若此上山斫檀檟楹先
殫惡似是而非者然後知盤根錯節之難竈下有土山
中有楛有以多爲貴者然後免斧斨刀鋸之苦樹乎樹
乎爾何名乎不知徐長卿爲草謬呼戴文裕爲人豈但
秦異人爲王孫亦有程不識爲將軍不材之材材可使
無名之名名益眞經師聚訟求其是詩疏重尋陸庶子
樹師閱歷誇其多種樹不及郭橐駝惟見鬱鬱蔥蔥露
邨舍四鄰濃綠低檀栾客來正直作花時麥氣迎秋梅
藻夏樽桑名國不足奇豫章名郡此其亞欲爲長者折

枝謝不能除非長狄僑如巨無霸

吳芝生同年擬七歌體

哀澄江

余與君訂交始於澄江之遊今君邁疾亦在澄江

暨陽城外江波綠十年曾此扁舟宿錦袍畫舸儼如仙
相逢小隊霓裳曲無端襍被續前遊搖落西風雙鬢禿
嗚呼一歌兮歌已哀君山縹緲如蓬萊

春明夢

累上公車俱與君偕宣南僦屋擁被宵譚同首如昨日也

朔風二月吹黃沙頻年索米遊京華小樓風雨倚衾坐
一燈明滅寒無花銷憂但惜酒價貴餘事不用多咨嗟
嗚呼二歌兮歌始放斗轉參橫猶北望

東閣吟

癸酉春萊蕪就婦揚州君與余先後俱至留寓江都官廨同舍者爲錫山顧蘭

塘皆同年友也裙屐風流一時最盛

渡江吟侶郵筒催琴尊官舍聯牀陪珠簾畫舫君不快
苦吟惟對東閣梅墓田欲買禪智寺石碣共訪吳公臺
嗚呼三歌兮歌三發淒涼二十四橋月

彭城恨

甲戌出都借至蕭縣任編輯邑志之事君奔喪而歸觸暑星馳不及備輿馬東

門握別相對泣然

杏花歷亂飄殘紅雙鞭遙指礪山東天涯火伴賣文活
豈知聚散飛枯蓬徒跣狂奔一千里黃河舟楫涸未通
嗚呼四歌兮歌四奏獨立東門淚盈甕

沐柳謠

丙子秋余遭先人大故棺槨衣襚之屬皆君爲余營辦煢煢孤露感愧並生

鴝鵒夜叫聲如吼孤由餘生喪家狗哀呼向天天不應
急難倉皇仗吾友珠襦玉匣非敢期拂拭斑狀耀狸首
嗚呼五歌兮歌正長故人高誼何時忘

花下別

今年四月下旬君與古泉曼卿芋香萊臧集欽無名樹花下獻詠連日約他時

補圖以張之別後君卽赴澄江文酒之會遂頓絕矣

落花墮地淡一尺典盡敝裘豪宴客詩成往往奪花簞
酒渥時時脫岸幘十年舊雨暫相逢片觚何苦催江驛
嗚呼六歌兮歌思遲中年哀樂王羲之

悲南响

君所居南响山莊水木幽邃余每至必集羣季角酒論詩夜分不寐今靈牀塵

揜紗若山河可
勝黃埭之感

黃歇渡頭春水生扁舟載酒攜襟鐙謝家羣從迭賓主
荀氏諸郎勞送迎西州重過一失慟山莊竹木秋風聲
嗚呼七歌兮悄終曲後人珍重楹書讀

庚辰元旦

十日前頭已立春梅花爛漫及芳辰園蔬手摘供家祭
臘酒新芻約比鄰無米能炊纔是巧有書可讀未全貧
嬾雲江上吹難起孤負東風拂拭頻

秋平少坪疊書勸
赴公車余未能應

也命

七月朔日萊臧過訪春雨莊適石芭厓黃經香

世

柄
不期而至萊臧賦詩見贈次韻作答并贈芭屣
經香兼追感芝生謀刊其遺藁三首

山居苦岑寂寞驛懷鄭莊凌晨報客至臥起褰衣裳別
悰逾一載結轡言之長晚荷方作花水香吹林塘廢圃
懶不治壤石頽平岡探囊讀新詠仙樂吹瓊琅嚶鳴求
春鳥噤斷羞寒螿鑄語如鑄鐵挽弓須挽強一盃晶飯
罷七箸沾丹黃

攤飯移涼陰款門不速客主人誇湘東具此三管筆清
風來故人相期永今夕莛草鏗洪鐘鼠腊詫荆璧石交
他山攻不覺互前席雲車逐風馬撫今感疇昔且畱息

瓊盟裏言吐胷臆新拆黃泥封不飲良可惜
飲亦不成醉感喟難具陳昨擬亡友傳納壙鐫幽珉平
生勤著述茸雜幾無存芬芳寫願願風雅沿靈均苦搜
故紙堆莫使終沈淪晚潮浸沙嘴挂楫吳淞濱怔忡如
有失不言惟傷神金星大如月耿耿橫秋雲

豔秋詞三十首

嬌鳥深深貯錦籠畫樓一帶下簾櫳阮家舊第新分北
朱玉高牆祗近東紈扇夜涼愁滿月羅衫春薄避尖風
黃金底買銷魂地不是秦臺定漢宮

著色春螺筆不濃朝霞一抹露眉峯佩環靜後猶聞響

步屣尋來可有蹤，油碧停車逢簡簡。殘紅滅燭喚冬冬，
怪佗詹尹殷勤卜。尙隔蓬萊路一重。

薄醉良宵泛玉缸，許多幽怨背蘭缸。定知蒲葦堅同石，
欲采芙蓉遠涉江。剖碎魚鱗排六六，翦開燕尾掠雙雙。
人間銀漢譚何易，十幅紅紗窈窕窗。

不信仙源有到時，鶯儔燕侶浪猜疑。屏風景曲圍雲母，
茗具玲瓏喚雪兒。臉暈乍圓調獺髓，臂痕欲褪妬蛇醫。
石城一曲無多路，題徧盧家少女詩。

低扣銅環白板扉，自將纖手盪薔薇。雁糧替煮雕胡飯，
鵲駕停催織女機。七寶釵梁貽趙燕，一簌圖畫拜崔徽。

相逢未嫁原無恨，漫唱箜篌怨落暉。

牆角栽花引綠渠，閒闌點綴似吾廬。欄非亞字青紗換，石砌冰紋碧草除。楊柳平分元相宅，枇杷早閉薛濤居。支牀安白都清絕，周昉毫端畫不如。

桐樹應憐么鳳雛，枝枝鐵網綴珊瑚。紅絲燕尾吹雙縷，白紵蜂腰付六銖。偶爲築臺臨黨氏，翻愁營室貫黃姑。上山白采靡蕪草，抵得梁家十斛珠。

桃李無言下自蹊，舊遊風景儘堪題。珠簾窈地圍輕霧，樺燭熏天暈采霓。月魄瑩瑩隨顧兔，花心點點照靈犀。無端勸作封侯想，春色闌珊趁馬蹏。

渭城三疊攪離懷欲寄文無願又乖別後心期頻聽鏡
夢中顏色記吞酸茜裙畱待西風住玉指輪將鬼卦排
但種胡麻貧亦好不妨辛苦插荆釵

悄悄小雨溼蒼苔過了飛花又落梅西北高樓長徙倚
東南孔雀一裘哀淚多不記瓊瑰夢花豔先疑荳蔻胎
數徧郵籤人未倦博山香篆已成灰

門外征車駐畫輪垂簾軟語慰風塵預愁壁月清輝減
私買瓊花錦樣新時世梳妝誇薛夜近來遊蹟問劉晨
別棕稠疊無從訴不隔關河也隔人

閒階小立正斜曛樓角低飛一朵雲紙尾署名知小字

書中摺彙仿回文魚脂未暗冰綃翦獸炭親忝錦被熏
腸斷阿灰詩絕調黃昏微雨隔窗聞

噫噫鶯聲笑語喧正攜鴛侶踏春園諸姨絕世應推號
處姊先行已姓袁紅綫遣他歸魏博青絲買自繡平原
傳聞海外烏衣國但少王郎舊羽軒

青粉牆低壓井榦一繩星斗漸闌干鞞塵卸後紅羅瘦
歛匣移來翠釧安屈戌暗捫宵鑰響受辛囑避曉霜寒
分明是夢原非夢背卻殘燈仔細看

錦樹高枝未可攀撒灰淺印怕開關紗明步障藏花影
鎖齧葳蕤閉玉顏采藥船疑飛弱水種桃人喜近綏山

輕風蘭牖晨妝地大有詩篇學令嫺

纔得樓居便是仙瑤池小謫竝頭蓮十三行裏銀鈎豔
雙六圖中錦譜圓小膽慣教防未雨低聲猶怕誤非煙
汝南雞唱連番促宿夢惺忪記不全

酒香曾記夜迢迢咫尺鶯闌又寂寥但繡鴛鴦都不似
怕同鸚鵡說無聊舊時別怨歌羌篴夙世風懷謚洞簫
織罷流黃明月冷方花一寸淚鮫綃

蜚穢絆縈露垂髻隔院苔花翡翠巢卷幔雙擎金釧響
拂簾細聽玉鈎敲但將讒語教猜謎莫向旁人替解嘲
倚欄赤闌干十二鬢絲兒住海棠梢

香草荷囊繫紫幅曉霞欲散醉蒲萄笑從玉女壺中索
癢倩麻姑背上搔殘夢驚回鐙燄小新涼坐待月華高
最憐逐伴歸來後閒煞漁郎洞口桃

脈脈通詞水不波誰將燕壘傍蜂窠三千院落紅泥閣
十五年華碧玉歌私許阿嬌藏夏屋悞驚小婢醒春婆
東風漏洩垂楊綫翠黛含羞輒奈何

阿母傳呼覓麗華低鬟忍泣背窗紗河魁星忌年年度
張角身宮事事差但有文鴛休打帚斷無采鳳肯隨鴉
比肩空讀黃衫傳俠客今無古押衙

從此巫山枉斷腸白榆歷歷見紅牆錦鱗碧藻藏難見

縞鶴青天路更長
網織蜘蛛紫落絮
裙飛蛟蜨曬斜陽
不如阮籍猖狂甚
醉臥猶聞酒瓮香

恨頰羞眉半面迎
金篦刮眼未分明
井華曉汲胭脂溼
檐鐵初鳴咳唾輕
可有天風吹弄玉
拌將凡骨鍊飛瓊
如何蹤蹟隄防甚
不許輕嘯出谷鶯

秋風昨夜雨淋鈴
四壁殘燈倚枕聽
陌上柔桑翻樂府
江邊香草怨湘靈
癡心無計能奔月
密意難傳又拜星
出色花枝偏未采
虛煩汲水注銀瓶

耿耿秋雲繫玉繩
畫屏未睡月初升
花枝細冑鞦韆索
豆架低懸絡緯燈
鶴步無聲驚宿露
狐疑有蹟聽春冰

矛頭浙米成何事惆悵瓊樓最上層

天邊騃女問癡牛聚鐵何緣錯六州有淚易生紅豆樹
無言空倚綠珠樓同心複帳垂靈粟約指雙環擘石榴
願得酒鎚容膝地春寒忍戀鷓鴣裘

飄盡楊花別館淡唾絨猶縮水精鍼玉壺暈紫皆盛淚
蠟炬搖紅尙有心尺髻髻鬢慵墮馬寸箋恹悖悞來禽
獨憐一覺遊仙枕祇在邯鄲夢裏尋

萬里晴雲阻蔚藍傷心時節過傳柑何年嘗盡蓮心苦
隔世還圖蔗境甘香爲返魂憐倩女草猶多事號宜男
替儂懺悔三生石手製纓幢禮佛龕

春蠶抵死有絲黏強步東風出畫檐一寸星紅藏指甲
十分慘綠到眉尖寄來蘭畹花間集敢避瓜田李下嫌
扣盡蒼蔬心未斷夢中猶是喚虬髯

自搜苦篋檢春衫一握餘香闕枕函花到將離都黯澹
草名獨活任鋤芟珠襦玉匣無通替苦海慈航看挂帆
我亦天涯行采藥佩囊收拾換腰鏡

桂雷山房詩集卷五終

桂畱山房詩集卷六

寶山沈學淵夢塘

韓瓶歌

余鄉多韓瓶，斬王犒軍酒器也。里南地名，厥頭者爲當時屯軍所。土人浚渠營墓，往往得之。江灣鎮有纛旗石碁，二是爲行署出土。九夥瓶大者有耳，可貫繩，小者無之。寘几案間，古樸可玩。插花經時不萎，歲久得土氣厚也。

府門醉虎，夜排闥，左手持杯，右執榼。將軍與卒同苦甘，不占羸瓶。占噬嗑，昔年防海兼防江，煮海爲酒，酒沸滂。

大瓶貯酒一斗餘小者以次論升合

該葉切

腹徑一尺二

寸強厚脣奔口翕而闔或貫其耳或縛頸列騎裝馱行
馱駝一軍暫駐銜枚除萬口有聲殘瀝嚙醉來怒髮衝
上冠十萬敵兵枯朽拉矛頭浙米劔頭炊挈瓶而行太
紛沓道旁拋棄不直錢積若山陵繞三匝整者宛抵兜
觥觥破者況被馬蹏踏什伯中存一二三不求瓦毀求
瓦合六百年來陵谷移偶斲二渠比淪潔南鄰溝墓掘
及泉蘆屋欹斜葦帳搭鐵鋏斲地碎狀鳴有若石鐘應
鞞鞞野人攜從邛隴間整破不齊大小雜古甌斌編刷
齧鹵獷殼零星嵌蜺蛤土花剔出爭摩挲塵案堆來恣

茸闌不須蠶翠仿柴窯絕勝銅青工撥蠟木犀結子耐

經秋蘭竹垂條能過臘當時花石羅清娛恨少瓦瓶供

御榻卽今重來古戰場風疾箭馳想歎欲田稜往往拾

殘戈海澨我我挂雙槍

里南有白槍二爲兵船濟渡處

石樁對立訝躡

鴟檐鐸微鳴飛怖鴿一尊酌酒弔孤軍野花沙草殘碑

搨佛前土甕浸楊枝舊事頗能徵老衲岳家親信背鬼

軍痛飲黃龍語悲颯忠憤同仇破甑釜慷慨小戎鑿艫

勛金甌未補金牌催瓦缶雷鳴方譟踏不如醉跨西湖

驢守口如瓶忘吐納暮年心緒偏裨知擊碎玉壺歌雜

還闔中白首能談兵酌彼金罍無嬖始將軍一去大樹

傾瓶中注水水鳴咽瓶兮有耳不能聽瓶兮有口不能
答我有韓瓶不敢藏春社插花祀劉幹

土人每歲於三
月二十八日祀

劉公報
賽最盛

偶見詩扇有垂柳垂楊滿地愁之句爲衍四章

垂柳垂楊滿地愁關山何處覓封侯錦花一寸暈紅淚
團扇三時吟白頭却是石壕長送別郡名莊浪正防秋
金閨鐵馬年年怨璫珣空梁挂玉鉤

垂柳垂楊滿地愁小家碧玉本溫柔胡麻飯少無人種
甕繭絲多獨自抽豈有家雞隨野鷺可憐駮女嫁癡牛
歌殘陌上羅敷曲拋卻桑梯便倚樓

垂柳垂楊滿地愁東方夫婿擁前騶生憐徐淑裁書去
爲報連波悔過不紆絮三千酸措大金釵十二錦纏頭
謝君遠寄仙霞帔絺綌當風不耐秋

垂柳垂楊滿地愁天涯估客盼歸舟儂歌囉噴經年怨
人語琵琶昨夜秋中婦但能裁白紵大隄何處少朱樓
不須學得封姨妒但願將身化石尤

卽景口占

長鏡白木鐵鴉叉野髻鬢鬢席帽遮舶趙未吹梅雨歇
邨邨開徧馬纓花

新翻子夜歌六首

鳳仙搗玉杵纖爪染紅霞給郎郎不覺道是守宮砂
海舶廣南來莫量珠一斛索郎綠鸚鵡贈儂紅蝙蝠
懊儂索儂心郎當索儂意宣州兔毛褐眞者不如僞
了又雙手展祕戲古錢摹斗帳紅羅掩偷懸素女圖
夜開畫不見開落隔窗紗儂如夜合草郎是菖蒲花
月季長春紅紅香刺儂手悄問澣衣期初七及下九

初秋晚泊

篷窗跛脚候潮雞最好新涼夕照低兩岸芙蓉經雨瘦
一鐙絡緯隔花嗁奚僮飯罷先齁睡榜婦談多易勃溪
我欲忘機忘便得秋宵同夢有鳧鷖

神絃曲七首

江鄉多野廟其神或傳或不傳其祀或典或不
典其說或是或不是天神地示人鬼無復判別
斬牲演優報賽競勝沿習益久莫或廢之邨居
多暇爲製神絃迎送之曲凡得七章按節曼引
聊代巫覡云爾

牛郎廟

一條銀漢紅牆遮牆根豔吐牽牛花陳艷果兮浮甘瓜
繞靈鵲兮飛神鴉河鼓無聲兮社鼓搥神之來兮乘星
楂密語祝神向神拜牛背郎君勝馬背騎牛歸來臥看

星妾織機絲郎去賣

水仙宮

秀金支蔭桂旗翩翩
姍姍兮來何遲
擷芳蘋薦英莖般從
從兮如神在剖玉軫兮
湘靈瑟摺冰綃兮
鮫人織水哉
水哉神所宅仙乎仙乎
人不識海濱有廟
廔孫恩鄴下
無錢娶河伯

虞姬祠

歌楚歌舞楚舞延邨
巫蠱社鼓神之來
綽眉嫵風蕭蕭
雲盪盪舉寶鼎闔
玉帳神不來
焄悽愴秦之鹿
楚之猴
神不來
劔血愁妃耶
髡后耶
雉神之來
紛玉紫神不來

江湖哀神之來江花開

張仙廟

春分二月元鳥來紅男綠女祈高禰弧星化作黃金彈
彈明月兮入我懷沐宮花藥泣秋雨小象薰香愁不語
不願仙班願仙侶仙人謫兮來瑤宮杏花嫁後桃花穠
明年此時湯餅會再設神筵請神旆

楊忠惠侯祠

侯諱滋居邑之外岡鎮南宋時官兩淮撫使以邊事歿理宗朝勅封

護國忠惠侯至今廟食里中業漁者尤虔奉之不知其說也侯祖諱應龍官武功大夫祀鄉賢

靈雨霏沾神衣靈風吼酌神酒生而有功德於民聰明
正直而壹之謂神祖有功宗有德子孫象賢乃廟食裔

裔陰陰來饗格鱸鯿鯉羅几筵鯨魚鱷魚徙海邊漁
婦賣魚納魚稅眾維魚矣侯之惠

楊九孃祠

九孃居邑之楊涇父守桔槔苦蚊九孃代之不勝蚊齧以羸死

楊家有女初長成木蘭愛說替耶征不替耶征替耶死
桔槔隄畔水玼玼秋風淒白鳥肥一拳瘦骨血濺衣縵
朱絃彈玉徽羽扇一揮魂兮來歸魂來歸兮荒谿廟露
筋貞女曹娥孝

查公祠

公遼陽人隸旗籍順治間爲邑令檮訥不識一字而慈惠出於天性喜食王瓜

後坐事繫獄以食瓜致腹疾死見神於民民患下利者禱之卽愈

遼陽查啖王瓜東門下馬百姓譁遼陽令譁逢盛化鶴

能醫百姓病，耗一尺朱纓。長阜旗前驅青蓋，張負公
登天廟亦香。百姓思公兮，不能忘。圖縣社兮，馨烝嘗。疾
疢不作兮，無妖祥。官不識字兮，民安康。

浩劫八首

咄咄書空問茫茫，浩劫催人。生原有死，天意竟成災。不
信童謠驗，惟聞野哭哀。五行誰作傳，熟讀尙難猜。
地毳偏隅，賑天機小醜。除民思庸有牙，夢到眾維魚。豈
料兵荒外，終成死棄如。可憐新鬼大風雨，滿邨墟。
里井蕭條日，溫風夏亦寒。占星朱雀鳥，送客白衣冠。鬢
自狐貍始，屍憐馬革殘。黃茅攢厝徧，掩鼻轉辛酸。

駭絕諸親故東西洽比鄰但爲三日別已作百年人武
氏分求賻黔婁未抵貧須尋黃白術匍匐救凡民
亦有慈悲者溫涼檢藥囊書中活人術海外返魂香但
拜季康饋難爲許止嘗綳孩吾竊媿何處覓神方

從此醫無術干邨走祝巫訛言方刺刺鬼語雜烏鳥宋
玉歌辭慘陳珠服色都數聲皋某復溟酒血模糊

醮事脩三殿齋期建八關西方憑佛力北斗注仙班霧
噴梅檀樹花拈菩薩鬘紙錢如可贖其罰百千鏹

自夏徂秋日初冬勢漸衰免乎猶有慮逝者已如斯人
世親朋換天心父老知
九重頌曠典灑澹荷

宸慈

都中疫氣洊盛奉有
施藥給棺之旨

駿馬寶劍篇

駿馬直千金寶劍直百金千金百金在人心寶劍贈故人
駿馬換愛妾愛妾故人兩豪俠駿馬之價貴於劍故
人情重妾不賤寶劍之價亞於馬故人豈在愛妾下君
不見公孫大孃聶隱孃美人說劍劍鐵香又不見虞兮
騅馬泣楚王夏不見拔劍殺妾張睢陽

歲暮訪萊臧遂題東臯草堂

郎當訪客歲欲除身騎駿馬非蹇驢三家東頭西頭屋
一姓南道北道居野稔收成得酒餌土壁獻嬾生圖書

遠人歸來室人去近遊不返將何如

愛芝方歸自都門
萊臧又將北上

香近在滬上歲
暮猶未歸也

題萊臧內史吳蘊芬夫人四眉紙閣圖四首

玉屏山色曉濛濛人在梅花紙閣中
儘許畫眉仿京兆不妨窺鏡問徐公
石螺研黛雙鸞翠礬絹黍膠一捻紅
碧海姮娥消息近湘簾半卷月如弓

彩鸞韻本寫羅紋一卷先仙絳帙分
但有夫人如道韞可無婢子學羊欣
松蘿百尺垂絲縷百尺喬柯俯憐汝
記曾翠縷結同心

萊臧寄夫
人詩也

蘭蕙三秋織錦文曾笑東坡窮薄命
青神從

未識朝雲

縑素關心詠葛覃一叢小草種宜男夫征婦孕成三北

萊臧下第後生子又殤

李勝桃奴譜二南舊曲斷無吟栲栳名花

何苦現優曇

圖成姬人卽妖

絡孃顚顚西風急替卜刀鐶怨玉

參

不將邢尹妒娉婷十樣眉圖一樣情難得同心憐阿子
惜無豔福占書生閨人猶誦靈光賦夫壻誰當薄倖名
此後杏花春似海小星長讓月華明

肩輿中口占

榆莢星星點白沙荆扉夾道竹籬笆籃輿小住春風裏
一路聞香不見花

三月十四日偕陸曼卿孝廉自滬上買舟至廣陵

感賦二首

倚權吳淞月正圓東風寒食水雲邊定知十日扁舟住
絕勝三場矮屋眠

余與曼卿均未赴禮部試

桃葉迎潮前度客霓裳

理曲小遊仙新翻花樣紅綾豔同學何人最少年

息機轉笑漢陰忙又向孤舟解客裝拋我風流舊裙屐

替人料理嫁衣裳

時有媒妁之事

十年師友興亡淚一片江湖

遊俠場最是銷魂揚子渡憑君把酒話蒼茫

甘露寺書所見

碰金以爲葉碾葉以爲屑聚屑以爲泥黃金賤如鐵一

佛金一斤丈六昂藏身一寺數百佛佛黃金漆南朝
多少寺四百有八十佛自西方來金自南方出佛來日
以多金出日以少嗟彼愚婦人不敢愛其寶安得恆河
沙生金如生瓜安得恆星明雨金如雨星

糧船謠

三年一小脩五年一大脩十年一拆造木板羅羅鐵釘
鉸黑黝白堊朱綠藻五覆五反成一舟舟大於屋屋有
樓江干橫截過客愁五百石米一舟受私橐纍纍十八
九絳夫邪許官吏催南門北門卯及酉嗚呼一船沈擱
復一船何不改製小且堅邁行易到三千里脩造須停

數十年

爭船行

京江閘口水如綫大船小船攢如箭後船火急趣渡江
前船許許萬力扛官船下水不可當賈船失聲橫擊撞
五色之楫八尺樁差船吏船如虎狼糧船鱗次聚作幫
擗船剝船銜尾長泊船恰在江中央賈船已破壞官船
亦無奈銅船上水不可耐人聲喧沸鑼聲碎糧船不抵
銅船快銅船不及糧船大糧船坐弁員銅船押丞倅銅
船錢法堂糧船總漕帥銅船內府輪糧船天庾兌糧船
銅船皆官船一船一幫各一官鹽船權鹽貢船貢來船

去船齊一闕客船屏息民船愁漁船江上揚清謳我船
傍岸幸無恙破釜沈舟觀壁上

揚州感懷詩示古泉兼寄萊臧都門八首

感潘朗齋夫子

棠花落盡謝公墩衣上揚州舊酒痕客去至今思北海
醉來不覺過西門難忘憂患相依日何止文章感遇恩
珍重當年清白吏苦將一飯累王孫

感金芝生同年

翦燭聯牀彼一時垂簾微雨苦論詩重吟東閣官梅句
引入西風宿草悲筆塚無多拋白練酒鑪如舊颺青旗

宋王上房言集 卷一
故鄉情景他鄉感祇有江東陸弟知

懷願蘭塘同年 時在都門

一宵風鶴變秋聲官舍惻惻唱渭城才子文章能草檄
書生意氣愛譚兵江潭衰柳蕭疏態湘水幽蘭遲暮情

四海子由差樂事瀟瀟聽雨過三更 兼懷令弟竹崎

懷張曼園 崇烈秀才 時在豫章

善病君能驅草木搜竒我好注魚蟲千言客難書三券
百疊郵箋貯一筒雨雪殘年重握手湖山舊夢各飄蓬
只今唱到西江月盼煞滕王一席風

懷鍾吾山 大進 時歸海昌 孝廉

花評一卷譜新詞
旖旎清狂兩不辭
嚇鬼功名鍾進士
累人薄倖杜分司
梅花院落無心問
楊柳樓臺有夢知
君昔南歸吾北去
至今燕雁竟差池

懷家敘軒

停驂

觀察

時任淮海兵備

載酒看花湖上亭
詩篇山館鬪瓏玲

始晤君於瓏山館

官如河

水心能白春到垂
楊眼獨青三版孤
城勞砥柱一層高
閔護檐鈴子雲筆
札吾何敢簇簇江
淮數點萍

懷郎蘇門

藻辰

太史

三絕才名一筆收
倚虹重展冶春遊
家家扇底青繪畫
昔昔簾前白紵謳
鐵板詞宗真磊落
玉堂人物定風流

相思獨對鸞谿絹郭索聲中醉一甌

君善畫蟹
曾以見贈

懷蔣越生

越生秀才

時在楚中

錢社湖雲接汜光送君一葉上荆襄江邊怕聽箜篌調

越生曾覆
舟淮上

澤畔遙聞薜荔香不索解時難意會最多情

處易神傷一堆春雪蘭花怨芳草天涯各斷腸

邗江返櫂

城郭空濛散曉煙江南草長碧芊芊十分春色二分月
一斛愁心萬斛船蠟屐平生知幾緡布帆無恙又今年
勞勞亭子怱怱客來是無端去惘然

飛巖驚曉歌

四字大可徑丈刻石金山江天寺崇禎癸未王
鐸書

石根突兀江心踞白日黿鼉飛不去興酣落筆五岳搖
半壁江山大書處大書特書迴絕倫天下健者王孟津
蛟龍放手捉不住擘窠徑丈盤輪囷有明末造盛文翰
諸公書法一時冠晉江手寫完吾碑貴陽腕底尤精悍
大兒小兒各自豪倉頡後笑先號咷龍髯墮地弓鳥號
渡江一馬化作蛟殘山賸水金與焦黃花漲後鐵鏃燒
君臣翰墨追六朝漏舟焚屋爭逍遙磨崖不刻中興謠
我來摩挲轉歎絕膽大如斗力如鐵旁題細字崇禎年

金山無恙金甌缺噫嘻乎悲哉人亦有時而死筆亦有時而秃紙亦有時而裂恐君百世以後名不彰畱鎮山門萬人說

端午後二日訪程定齋安桃船石芭厓巖瘦山黃

經香陸平泉於槎谿里連日讌集卽事聯句

日長如小年桃船程式鈞溼雲蒸四野朗抱鬱紫紆芭

厓石不烈情話悅傾瀉呼櫂逐水嬉定齋程安登堂遲

祝嘏薄遊約歸期前日芭厓大夫人誕日諸君約同拜母余時在揚州未與夢塘沈學淵

近局招吟社險韻鬪尖叉瘦山嚴仁安雄詞鑄陶冶酒

腸萬斛量平泉陸元藻醉腕一筆把射覆分兩曹經香

黃世柯

投壺從二馬說夢欲詒癡安猜謎競打啞學劍

評莫耶

式鈞

論史補日者郡陽恣暴謔五烈後儀發盟

嘲數典騫鑿空

元藻

留客髡炙輶臣憶東里窺學淵人

比西崑擗道暑爽塏移

仁安

覽勝文章假初地訪花之

世柄

比鄰接蘭若名園枕漣漪五烈晚色獻瀟灑跌宕

柳陰中

仁安

婆婆松樹下披襟風不雄安入林交豈寡

弟子侍嚴維

瘦山字維康式鈞

先生語陸賈平泉字賈藩謝客夢生

春

謂夢塘

周官改昭夏定齋字夏昭禪非蘇晉逃學淵字避

泉明寫

機船近號逃禪又號陶狀

石經說鏗鏗謂芭厓黃香致雅雅

謂經

永好贈瓊瑤仁安

相期養梧櫝人恰竹林符安宅

竝蓮臺捨結構山瓏玲式鈞 搯撐石紺闌曲渚迴欹橋

不烈 連移毗廣廈鹿寨雙角疑元藻 蝟牆一面藉戰茗

傭保喧學淵 拈花神女姹園有花神祠 榴火紅燒空世

柄 苔衣碧皺瓦樹涼鶴貪眠學淵 荷穉魚喜惹闌雨滌

炎歊式鈞 微月上廡庑促坐重開軒不烈 交酬仍洗爵

瘦分甄字羊元藻 細斫張華鮓隔坐照輝煌別坐有張

徵歌選色兼論 拳勇事世柄 縱談各厓厓假面學秦宮安 纏頭呼蓉

姐須避大俠拳仁安 難醫俗士痕歌聲我輩豪元藻 笑

口旁人哆聚晤懾參商式鈞 追蹤媿跑衙絃音嗜鞠通

仁安 吟語叱宜楹將離客柰何學淵 強飲君姑且夜淡

斗柄高五烈風細燈花地野航促解棹安晚汐淺沒踝
尙訂後來期世柄不如歸去也式鈞

送萊賊之官閩中五首

陸生讀書才捉將官裏去瀛洲謫仙人手版學時務聞
嶠三山隅夢中注定數先是君於夢中見楹帖一聯有
三山三品石之句今果得福建
君才我所畏從不守章句君才我所慮但恐擅詞賦縱
有千秋長懼爲百里悞捧檄將遠行爲君傾情悃

竊怪太史公貨殖首端木何不傳循吏武城紀芳躅弦
歌皆俊民何遽徧邨屋大抵澹臺流輾轉教之讀讀律
不讀書此吏則已酷讀書兼讀律此吏亦已俗但擇文

士交便造蒼生福所謂大人者赤子之臆膈所謂循吏者書生之面目

今也則不然輕儒重胥吏煮就閉門羹中間大如礪少知自好者平生無一刺其餘第佻冠或與公私議疾之若仇讐賤之逾狗彘冷面同削瓜端坐青雲際胥吏駟狀來不覺凍顏齟齬勞等妻孥歡愉及與隸況有紀綱僕內外相與比若輩豈無才能以官爲試官豈不自知竟爲若所使歎息古朝廷大半壞奄寺

當湖陸清獻本朝一大儒昔年令吾邑上官劾爲迂其迂何所指謂其拙催租今考公治績一一成楷模催租

立限法自限某日輸及期但得半不復嚴追呼其餘復
自限絕不煩官符羸羸日再飽隙地栽嘉蔬婢媪理織
紵眷屬親庖廚此事近有徵此理良非誣其佗可能也
屢空其庶乎

君亦素貧賤負米恆遠行及今喜迎養春風吹華筓此
事吾竊媿此外君非榮干將勿太銳水精勿太明別君
日以遠望君日以誠畫紙作碁局須要中心平跳出局
外想或者旁觀清

陽羨茗壺歌寄蕭子滂

以霈

江陰

壺爲子滂所贈形如二升相合鐫分書合升二

字於壺腹銘曰傾不損受不溢用二缶則吉

義興山水天下無厭土黃壤下土墟塼埴之工十萬戶

有時躍入壺公壺匠心能以不解解妙手偶得如塗塗

量沙運甓戒遊惰後先賢宰飛雙鳧

壺製昉於荆谿令陳曼生子恂尊人

亦曾令此邑

吾聞唐朝貢襟重陽羨春池紫筍稱名殊松聲

響後點團餅檀葉香染兼瓜蘆古人襟具廿三四瓢碾

夾鍍筋筥鑑就中茗椀特工絕青黃紫褐紺碧朱惜無

天際真人大遊戲手搏黃土爲型模如環如玦鬻復鬻

可規可萬觚不觚短尾可以棲鷓鴣長頸可以畫胡盧

謂之爲鼎又無足謂之爲觥又無角但見牛腰豕腹膨

脩軀壺稱居士茗作奴琉璃碧眼新點酥烹椽待客客
不至落葉自埽山中廚蘭陵公子今藐姑苦吟聞說成
詩懼飲椽往往多於酒大者爲甌小者孟吐論時生妙
蓮鉢著書不作覆醬瓿平夜航船來四百里開函勝獲
雙珣玕其製古樸不可摹其色斑駁不可拘其形厚脣
弁口大曾耀後八到而四隅其量不能容受二鬴及五
穀其質滑澤頗似凝脂膚其名題曰合升合則符其字
細書淡刻直徧唐漢儒其銘兼取比卦坎卦語其意如
繪撲滿欹器圖文章有神交有道納約无咎盈有孚使
我一日摩挲三百徧黃鐘瓦釜何必長嗟吁玉壺易碎

不掩瑜金壺雖貴不足娛銅壺滌之有銅臭改煎金錫
忽變渝何如損去二簋用二缶色香兼味清而腴龔春
時彬所製百中不存一安得有此殷壘夏洗追唐虞得
非陸羽爲神蛻仙骨化作黃土纍纍填街衢不然相如
渴死變爲萬億百千鬼當鑑滌器愁煞傾城姝我且擊
缶不鼓缶拔劍斫地學作歌烏烏詩才恨無八斗大酒
量又無一石巖喫椽又復七椀喫不得那敢一斛二斗
界子稱區區平生文戰不肖捷茗戰又易輸與齒去角
本如此與釜請庾胡爲乎不願竭澤如鷓鴣但願飲河
如鸚鵡我欲贈君以天孫所織之雲錦裳我欲報君以

美人所贈之貂襜褕又恐瑤京玉女厭凡骨遭此水厄
歸而適酒吻易燥詩腸先枯仗君灌我春醪酬從此筆
牀襟竈興不孤且須悅襟話莫惱催襟租挈壺官作氏
提壺鳥相呼訪君於大江之濱君山頂壺中九華腹中
三吳翩然復擢六尺觥一谿罨畫春縈紆采襟穉女麗
且都提筐絕似秦羅敷迎陵不作筆硯蕪填詞恨少花
枝扶不如銅琶鐵板唱大蘇仰天咳唾浮雲徂清酒百
壺代以茗新詩百篇豔如茶咄咄怪事奇丈夫夸父病
喝日未晡其他黃山丹邱或可以斗石計但令吸盡三
萬六千頃周圍五百里之太湖

銷寒分詠四首

龜手徒傳泔泔統祇愁蘭足走先僵絮袍叱馭秋風薄
草屨撈蝦水國涼印爪欲尋何處雪彈琴怕履昨宵霜
蘆中人在呼難出藁囊烏皮底事忙

蘆花鞋

湘簾紙閣夜寒時斗帳香濃夢未知下榻先畱高士臥
寒帷殊有美人思蟬紗和月橫疏影鶯絹忝膠寫折枝
我欲贈將陶學士銷金休詫黨家姬

梅花帳

東皇消息隔年春翦出蜂房點綴勻雙穗爛花官問酒
一丸書札隴頭人檀心暈白香痕重粉頰塗黃髻樣新
細嚼平生冰雪味水邊月下想橫陳

蠟梅花

水精簾底看嬋娟細讀陳王賦一篇絕世最宜金屋貯
前身定配玉堂仙畧無顏色偏能豔如許高寒轉可憐
休說梅花風骨好也應一著讓君先

水仙花

桂畱山房詩集卷六終